

Agenda – Y Cyfarfod Llawn

Lleoliad y cyfarfod:

Y Siambr – Y Senedd

Dyddiad y cyfarfod:

Dydd Mercher, 10 Mehefin 2020

Amser y cyfarfod: 11.00

279(v5)

Cynhelir y cyfarfod hwn drwy gynhadledd fideo. Ar ôl ymgynghori â'r Pwyllgor Busnes, mae'r Llywydd wedi penderfynu:

- Y cworwm i unrhyw bleidlais fod yn ddilys fydd pedwar Aelod, yn unol â Rheol Sefydlog 34.10;
- Yn unol â Rheol Sefydlog 34.11, caiff pob grŵp gwleidyddol (neu grwpriad a ffurfir at ddibenion Rheol Sefydlog 11) enwebu un Aelod o'r grŵp neu'r grwpriad i gael yr un nifer o bleidleisiau ag sydd o aelodau'r grŵp neu yn achos grŵp gwleidyddol sydd â rôl weithredol, aelodau'r grŵp hwnnw yn ogystal ag unrhyw aelodau eraill o'r llywodraeth;
- Caiff gofynion Rheol Sefydlog 12.56 ynghylch cwestiynau llafar eu datgymhwyso, yn unol â Rheol Sefydlog 34.18.

Mae'r Llywydd hefyd yn hysbysu, yn unol â Rheol Sefydlog 34.15, fod y cyhoedd wedi eu gwahardd rhag bod yn bresennol yn y Cyfarfod Llawn hwn, fel sy'n ofynnol er mwyn diogelu iechyd y cyhoedd. Bydd y cyfarfod yn parhau i gael ei ddarlledu'n fyw a bydd cofnod o'r trafodion yn cael ei gyhoeddi yn y ffordd arferol.

Munud o Dawelwch

1 Datganiad a Chyhoeddiad Busnes

(5 munud)

[Gweld y Datganiad a Chyhoeddiad Busnes](#)



Senedd Cymru
Welsh Parliament

2 Datganiad gan y Prif Weinidog: Coronafeirws (COVID-19)
(60 munud)

3 Cwestiynau Amserol

Ni dderbynniwyd unrhyw Gwestiynau Amserol.

4 Datganiad gan Weinidog yr Economi, Trafnidiaeth a Gogledd Cymru: Ymateb i Coronafeirws (COVID-19)
(60 munud)

5 Datganiad gan Weinidog y Gymraeg a Chysylltiadau Rhyngwladol: Coronafeirws (COVID-19)
(60 munud)

6 Cynnig Cydsyniad Deddfwriaethol ar y Bil Ansoffedd a Llywodraethu Corfforaethol
(30 munud)

NDM7330 [Julie James \(Gorllewin Abertawe\)](#):

Cynnig bod y Senedd, yn unol â Rheol Sefydlog 29.6, yn cytuno y dylai Senedd y DU ystyried y darpariaethau yn y Bil Ansoffedd a Llywodraethu Corfforaethol i'r graddau y maent yn dod o fewn cymhwysedd deddfwriaethol Senedd Cymru. [Gosodwyd](#) Memorandwm Cydsyniad Deddfwriaethol yn y Swyddfa Gyflwyno ar 2 Mehefin 2020 yn unol â Rheol Sefydlog 29.2.

[Bil Ansoffedd a Llywodraethu Corfforaethol 2019-21](#) (Saesneg yn unig)

7 Cynnig i ddirymu Rheoliadau Llywodraeth Leol (Coronafeirws) (Gohirio Etholiadau) (Cymru) 2020
(30 munud)

NDM7329 [Suzy Davies \(Gorllewin De Cymru\)](#):

Cynnig bod y Senedd, yn unol â Rheol Sefydlog 27.2,:

Yn cytuno bod Rheoliadau Llywodraeth Leol (Coronafeirws) (Gohirio Etholiadau) (Cymru) 2020, a [osodwyd](#) gerbron y Cynulliad ar 29 Ebrill 2020, yn cael eu dirymu.

8 Dadl Plaid Cymru – Yr Economi a Covid-19

(60 munud)

NDM7331 [Sian Gwenllian \(Arfon\)](#)

Cynnig bod y Senedd:

Yn galw ar Lywodraeth Cymru i:

- a) sefydlu cynllun gwarantu cyflogaeth i bobl ifanc sy'n dioddef diweithdra o ganlyniad i Covid-19;
- b) sefydlu cynllun ailhyfforddiant ac ailsgilio swyddi wedi'i gynllunio i genfogi'r rhai sydd angen canfod cyflogaeth amgen yn dilyn yr argyfwng;
- c) cynnull cynulliad dinasyddion i drafod sut y dylai Cymru "Adeiladu Nôl yn Well" yn dilyn profiad o'r argyfwng; a
- d) sefydlu "Cronfa Adnewyddu Cymru Gyfan" gwerth biliynau o bunnoedd i ariannu'r gwaith o ailadeiladu ein gwlad.

Cyflwynwyd y gwelliannau a ganlyn:

Gwelliant 1 – [Rebecca Evans \(Gwyr\)](#)

Dileu popeth a rhoi'r canlynol yn ei le:

Cynnig bod y Senedd:

1. Yn nodi'r pecyn o gymorth cyflogadwyedd sydd ar gael ar hyn o bryd drwy Lywodraeth Cymru, gan gynnwys cynllun Twf Swyddi Cymru, sy'n gynllun mawr ei barch sydd wedi helpu dros 19,000 o bobl ifanc i gael swyddi o ansawdd da, a hefyd raglen ReAct sydd wedi bod yn helpu unigolion ers degawd a mwy i ailhyfforddi ac i ddod o hyd i swyddi newydd.
2. Yn nodi Cronfa Cadernid Economaidd Llywodraeth Cymru, sy'n werth £500 miliwn, ac sy'n helpu miloedd o fusnesau bach a chanolig yng Nghymru ar hyn o bryd i gadw i fynd ac i gadw unigolion mewn gwaith, ac a fydd yn helpu gyda'r adferiad yn y dyfodol.
3. Yn nodi'r gwaith arbenigol ar gynllunio ar gyfer yr adferiad sy'n cael ei gydgyssylltu ar draws Llywodraeth Cymru gan y Cwnsler Cyffredinol, a hefyd y gwaith y mae Gweinidog yr Economi yn ei wneud i nodi rhagor o ymyriadau ym

maes sgiliau a fydd yn gallu helpu pobl i ailhyfforddi'n effeithiol yn ystod y misoedd sydd i ddod ac yn ystod y cyfnod adfer.

4. Yn croesawu'r trafodaethau adeiladol y mae Gweinidog yr Economi wedi'u cael gyda phob parti ynglŷn â sut y gellir cynnig y rhagolygon gorau posibl i bobl ifanc wrth inni ddod allan o gyfnod y Coronafeirws.

5. Yn cydnabod bod angen gweithio mewn partneriaeth gymdeithasol â'r undebau llafur a busnesau i Ailadeiladu'n Well ar gyfer y dyfodol.

6. Yn cydnabod bod Llywodraeth Cymru wedi neilltuo bron £2.5 biliwn ar gyfer ei hymateb i Covid-19 ers mis Mawrth 2020, yn nodi hefyd faint yr argyfwng economaidd sy'n wynebu'r Deyrnas Unedig gyfan ac yn galw ar Lywodraeth y DU i ddatblygu pecyn sylweddol i ysgogi'r economi a fydd yn gallu ategu'r gwaith y mae Llywodraeth Cymru yn ei wneud i greu adferiad gwyrdd a theg.

[Os derbynnir gwelliant 1, caiff gwelliannau 2, 3, 4 a 5 eu dad-ddethol]

Gwelliant 2 – [Darren Millar \(Gorllewin Clwyd\)](#)

Yn is-bwynt (a), dileu 'cyflogaeth' a rhoi yn ei le 'prentisiaeth'.

Gwelliant 3 – [Darren Millar \(Gorllewin Clwyd\)](#)

Cynnwys ar ddiwedd is-bwynt (b):

'a chyflwyno rhaglenni cadw a datblygu sgiliau cyn gynted ag y bo'n ymarferol yn y sectorau sy'n wynebu'r risg fwyaf er mwyn sicrhau na chollir y gallu na'r cyfle i uwchsgilio'r gweithlu lleol yn ystod y cyfnod hwn o lai o weithgarwch.'

Gwelliant 4 – [Darren Millar \(Gorllewin Clwyd\)](#)

Yn is-bwynt (c), dileu 'cynulliad dinasyddion' a rhoi yn ei le 'tasglu trawsbleidiol'.

Gwelliant 5 – [Darren Millar \(Gorllewin Clwyd\)](#)

Dileu is-bwynt d) a rhoi yn ei le:

'sefydlu Cronfa Adfer Cymunedol Covid i gefnogi'r trefi a'r cymunedau hynny y mae eu heconomiâu wedi'u taro galetaf gan y pandemig.'

Gwelliant 6 – [Neil McEvoy \(Caol De Cymru\)](#)

Ychwanegu pwynt newydd ar ddiwedd y cynnig:

Er mwyn ailadeiladu Cymru yn economaidd o ganlyniad i argyfwng Covid-19, yn galw ar Lywodraeth Cymru i:

- a) sicrhau bod y cynllun rhyddhad ardrethi busnes Covid-19 yn cefnogi busnesau sy'n meddiannu eiddo ac nid landlordiaid sy'n berchen ar yr eiddo hwnnw;
- b) rhoi cymorth i'r rhai yn y diwydiant lletygarwch sy'n talu rhent llawn i gwmnïau tafarndai yn ystod yr argyfwng;
- c) deddfu i alluogi cwmnïau o Gymru i wneud cais llwyddiannus am gontractau sector cyhoeddus Cymru; a
- d) cyfeirio'i pholisi economaidd tuag at adferiad a gaiff ei arwain gan allforio bwyd a diod drwy greu diwydiant chwisgi cyflawn.

9 Cyfnod pleidleisio

Cynhelir Cyfarfod Llawn nesaf y Senedd am 13.30, Dydd Mercher, 17 Mehefin
2020